


25 desambra 2024 - Fankalazanany Noely



**« Tamin'nyvoalahany Teny, aryny Teny
diataoamin'Andriamanitra, ary Andriamanitrany Teny »**

(Jo. 1, 1)

Ry Kristianina havana, na dia efa natao tamin'ny fomba manetriketrika ny fiarahabana tamin'ny alina mialoha ny Noely dia an-kafaliana, an-karavoana no amerenako eto ny firarian-tsoa sy ny fiarahabana. Tahaka ny fary lava vaniny tokoa ny firarian-tsoa fa indrindra amin'izao fankalazana manetriketrika ny

Noely izao ary hafaliana no amerenana azy amintsika oloaraiky. Bonne fête de Nôel antsika jiaby, enga anie ka ho Noely hitondra fiadanana, tanteraka izany fiadanan'ny Noely izany raha manome voninahitra an'Andriamanitra ny fiainantsika manontolo. Araky ny fantatsika ao amin'ny vakiteny faharoa, taratasin' I Hebrio, efa ela tokoa isika olombelona no maniry sy mangetaheta mba hiova ny izany fiainana izany raha ilay nahary no eo anivon'ny fiainantsika. Fantatr'Andriamanitra izany hetahetam-pontsika izany. Rehefa nanota isika ka nanome tehezana, lamosina azy tao amin'ny sahan'I Edena dia tsy najanony tamin'ny maha-mpanota antsika

**Vakitenyl :Iz. 52, 7-10
Tononkira : Salamo 97
Vakitenyll :Heb. 1, 1-6
Evanjely : Jo. 1, 1-18**

fiainantsika, samy nahatsapa fa niova fiainantsika. Fantatr'Andriamanitra izany hetahetam-pontsika izany. Rehefa nanota isika ka nanome tehezana, lamosina azy tao amin'ny sahan'I Edena dia tsy najanony tamin'ny maha-mpanota antsika Andriamanitra fa be famindram-po tokoa izy Ray ka naniraka ny Zanany ho tonga nofo sy hitoetra eto

amintsika satria fantany fa tsy afaka mamonjy ny tena samirery isika, tsara ho tsapantsika izany ry Kristianina havana. Tsy afaka mamonjy tena isika na inona ataontsika, na manao akory ny fahaizantsika sy angovontsika. Izany hoe hahazo ny tena fiadanana, hahazo ny tena hasambarana. Ilay hasambaranaavy amin'ilay Emanoela Andriamanitra eto amintsika no hany hasambarana marina satria ny famonjena tena izy dia izay mitondra amin'ny hasambarana, mitondra amin'ny fiadanana, tsy vitan'angovontsika sy ny fahaizantsika izany fa Andriamanitra Ray be fitiavana sy be famindrampo no nanolotra ho antsika ny famonjena. Izany no antitranterin'ny taratasin'i Hebro, na dia teo ireo mpaminany, ireo razantsika, somambisambyizany, tsynazava fa rehefanirakanyzananyAndriamanitradia I Jesoa ka izy no etoanivontsikadialzy no manambaraizanyamintsika.

Araka nyf antatsika rahateo dia Noely manokana ity Noely 2024 ity satria mampiditra antsika amin'ny Jobilin'ny Famonjena. Ilay famonjena izay nosoritantsika teo. Tsy lavitra izay famonjena ho antsika izay fa eo anivontsika. Miankina amintsika tanteraka ny fandraisana azy. Tsy hahita azy ary tsy afaka mandray azy izay miavonavona sy be fialonana ary mipoerapoera toa an-dry Heroda fa ireo tsotra sy feno fanetren-tena toa ny mpiandry ondry sy ny Majy na manam-phaizana aza no mahay mandray azy. Aoka isika amin'izao taon-jobily izao hianatra haka tahaka azy. Tsy kisendrasendra raha natolon'I Papa ho antsika ho modely sy mpivavaka ny Fianakaviana Masina ka natao amin'ny alahadin'ny Fianakaviana Masina no fanokafana ny taon-jobily aty amin'ny diosezy. Tsy misy tokoa nahay nandray an'I Jesoa mihoatra an'i Maria sy Josefa.

Ambaran'ny vakinety voalohany bokin'Izaia mpaminany, hahita ny famonjena ny vazan-tany rehetra. Izany no ankalazaintsika amin'izao Noely izao, fa tanteraka tokoa ny famonjena ao amin'I Jesoa ary ho an'ny olona rehetra, ho an'ny firenen-drehetra ary faly sy ravo mihoby ny famonjena izany isika satria nampionona ny vahoakany Andriamanitra ary nanavotra an'I Jerosalema, tsy ilay hoe tanana Jerosalema fotsiny izay tananan'ny fiadanana fa izao tontolo izao ary ho zary Jerosalema noho izany famonjena nentin'ny mpamony izany. Tananan'ny fiadanana izao rehetra izao satria hatramin'ny faravazan-tany rehetra no hahita ny famonjen'Andriamanitra.

Araka ny efa naverimberina tamintsika, miankina be dia be amintsika izany famonjena izany, mbola antitranterin'ny evanjely nosoratan'I Md Joany izay mamintina ny tena dikan'izany famonjena izany sy ny fomba handraisana azy. "Namirapiratra tokoa ny fahazavana ary atao hanilo ny olon-drehetra kanefa indrisy nisy olona izay tsy nandray azy, izay tsy mandray dia tsy afaka miombona ao amin'I Jesoa satria nanilikilika an'I Jesoa. Izao tontolo izao no manilikilika an'I Jesoa. Tsy izao tontolo izao no ratsy fa ny miaina araka izao tontolo izao, ny demony tsy mahatanty ny fahazavana nentin'I Kristy. Na dia izy aza nahary an'izao tontolo izao, na dia nisy nanoro lalana tahaka an'I Joany mpanoro lalana nilaza fa izy ilay teny nahariana an'izao rehetra izao, tonga eto anivontsika izy, fa isika tsy nahay nandray azy, izany hoe tsy mino fa avy amin'I Jesoa ny famonjena fa manaraka ny ratsy dia ny fanapotehana ny tontolom-piaintantsika, ny tontolo iainantsika, ny tontolom-pinoana. Ho an'izay nandray azy kosa dia mahazo ny fahazavana ka tonga ho zanak'Andriamanitra ka mahazo fahasoavana miampy fahasoavana ary dia ho feno izany fahasoavana izany.

Raha misy faniriana amin'izao fankalazana Noely izao, ka hitalahoana ny famindrampon'Andriamanitra sady ny fitsilovan'ny Fanahy masina dia ny mba hanokafantsika ny

fontsika amin'izao Noely izao ka hitoetra ao amin'Andriamanitra isika. Manome toerana an'Andriamanitra isika raha manao ny marina satria ilay zanak'Andriamanitra eo anivontsika dia Ilay Marina no anarany. Manaiky azy isika raha miaina am-pitiavana ka ny fahafoizana no mampibaribary an'izany, mahafoy ny fotoana amin'ny fanompoana ny hafa satria noharian'Andriamanitra hitovy endrika aminy ireo manodidina antsika. Ny fahafoizana no mampibaribary ny tena fitiavana.

Matetika isika no manontany ahoana no fivelomana ny finoana ? Ny fahafoizana no endrika hiainantsika ny finoana, reha mahafoy eo anivon'ny fianakaviana misy antsika tsirairay, eo anivon'ny fikambanana, eo anivon'ny vaomiera, mandray an-tanana amin'ny lafiny rehetra ary tsy entina hirehareha, hipoerapoera fa anatin'ny fanetren-tena, fahatsorana, tsy misy fihatsaram-belatsihy. Izany no Andriamanitra eo amintsika, amim-panetren-tena no hamitana ny adidy rehetra ataontsika. Manambara ny finoana iainantsika ka zary fahazavana isika ary zary Kristy mpiara-belona amin'ny hafa, zary hasina isika eo amin'ny mpiara-belona. Izany no antson'Andriamanitra amintsika ary mifanaraka amin'ny fanatanterahana ny Sinaody faha7 fijanonana faha-3 : Fianakaviana Eglisy kely mifampitsimbina, mifanasoa, mikatsaka ny soa iombonana...

Enga anie izao fankalazana ny Noely izao hanome aina vaovao ho antsika ka hampiroso antsika amin'ny lalindalina kokoa amin'ny mahagénération mpanorina antsika. Izany no anton-dian'I Jesoa eto an-tany fanorenana vaovao, fahariana vaovao ka amin'izao Noely izao hanorina ny fiaianantsika izy ka ho zava-boahary vaovao ao aminy isika. Izany no hafatra nataon'I Papa rehefa nanolotra izao Taona Masina Jobilin'ny Famonjena izao ka ho tena MPIVAHININ'NY FANANTENANA MAMAFY FIADANANA SY FIHAVANANA MANASITRANA IZAO TONTOLO IZAO IZAY MARARY SY MARATRA .

Ny dikan'ny Noely dia ho fanorenana miaraka amin'Andriamanitra izay ataontsika rehetra, hanorina Eglisy tranon'Andriamanitra ka ho zary Eglisy Olona Velona tokoa isika ka asehontsika amin'ny fiaianantsika andavanandro amin'ny fampitrahaofana ny finoana sy fiaianana andavanandro ny mahagénération mpanorina antsika.

Ry Jesoa Kristy tombo, mitodika aminao izahay, ianao no fahazavana mitondra hafaliana sy fiadanana ho anay, enga anie ho tahaka anao tokoa izahay hahay hanokatra ny fonay ka hanjaka tokoa ny famindram-po sy ny famelan-keloka eran'izao tontolo izao indrindra amin'izao Noely izao, ny fonay anie ho toerana iombonanay bebe kokoa aminao.

Ry Jesoa Tompo ô, aoka hivelona bebe kokoa ny mahazanak'Andriamanitra anay izahay, enga anie izahay hahay hampanjaka ny famindrampo sy ny fifamelan-keloka izay loharano sy fototry ny tena fiadanana sy ny hafaliana ary hitondra anay amin'ny hasambarana. Masina Maria Reny nahay nandray an'I Jesoa ianao, ampianaro izahay mba hahay handray an'I Jesoa toa anao. Beazo hahay hitondra an'I Jesoa Fiadanana sy Fihavanana amin'ireo manodidina anay izahay. Md Josefa Ray Mpitaiza an'I Jesoa mivavahà ho an'ny Raim-pianakaviana rehetra mba hilofo tokoa izy ireo hanana ny toetry ny Ray marina tokoa ka hikarakara mandrakariva ny ankohonany. Amen